

গণপ্রজাতন্ত্রী বাংলাদেশ সরকার  
স্বাস্থ্য ও পরিবার কল্যাণ মন্ত্রণালয়  
স্বাস্থ্য শিক্ষা ও পরিবার কল্যাণ বিভাগ  
চিকিৎসা শিক্ষা-১ অধিশাখা  
বাংলাদেশ সচিবালয়, ঢাকা  
[www.mohfw.gov.bd](http://www.mohfw.gov.bd)

বিষয়ঃ বাংলাদেশের সরকারি/বেসরকারি মেডিকেল/ডেন্টাল কলেজ/ডেন্টাল ইউনিট/ ইনস্টিটিউটসমূহে ২০১৭-১৮ শিক্ষাবর্ষে এমবিবিএস/বিডিএস কোর্সে শিক্ষার্থী ভর্তি সংক্রান্ত সভার কার্যবিবরণী।

সভাপতি	: মোহাম্মদ নাসিম মাননীয় মন্ত্রী স্বাস্থ্য ও পরিবার কল্যাণ মন্ত্রণালয়।
তারিখ	: ০২/০৮/২০১৭ খ্রি:
সময়	: বিকাল ০২:০০ টা।
স্থান	: মন্ত্রণালয়ের সম্মেলন কক্ষ (কক্ষ নং-৩৩২, ভবন নং-০৩, বাংলাদেশ সচিবালয়, ঢাকা)

সভায় উপস্থিত সদস্যবৃন্দের তালিকা: পরিশিষ্ট-'ক'-তে সন্নিবেশিত রয়েছে।

সভাপতি উপস্থিত সকলকে স্বাগত জানিয়ে সভার কাজ শুরু করেন। অতঃপর তিনি সচিব মহোদয়কে সভার আলোচ্যসূচী পেশ করার অনুরোধ জানান। সচিব মহোদয় বলেন, ২০১৭-২০১৮ শিক্ষাবর্ষে এমবিবিএস/বিডিএস কোর্সে ভর্তি পরীক্ষার তারিখ নির্ধারণ এবং ভর্তি কার্যক্রম প্রক্রিয়া করণ সংক্রান্ত আলোচনা ও সিদ্ধান্তের জন্য আজকের এই সভা আহবান করা হয়েছে। সভাপতির অনুমতিক্রমে অতিরিক্ত সচিব (চিকিৎসা শিক্ষা) সভাকে জানান যে, বাংলাদেশ মেডিকেল ও ডেন্টাল কাউন্সিল আইন ২০১০ এর ধারা ৫ এর উপধারা (১) এ বাংলাদেশে চিকিৎসা/দন্ত চিকিৎসা শিক্ষার ক্ষেত্রে স্নাতক এবং স্নাতকোত্তর পরে ভর্তি নীতিমালা প্রণয়ন এবং শর্তাবলী নির্ধারণ করার দায়িত্ব বাংলাদেশ মেডিকেল এন্ড ডেন্টাল কাউন্সিল এর উপর ন্যস্ত আছে। সে মোতাবেক বাংলাদেশ মেডিকেল এন্ড ডেন্টাল কাউন্সিল এমবিবিএস/বিডিএস কোর্সে ২০১৭-১৮ শিক্ষাবর্ষে ভর্তির নীতিমালা ও শর্তাদি নির্ধারণ করেছে যা নিম্নরূপ:

- (ক) বাংলাদেশের নাগরিক শিক্ষার্থী যারা এসএসসি বা সমমানের পরীক্ষায় এবং এইচএসসি বা সমমানের পরীক্ষায় উত্তীর্ণ হয়েছেন তারা ভর্তির আবেদন করার যোগ্য হবেন। উভয় পরীক্ষায় পদার্থ, রসায়ন ও জীববিদ্যা থাকতে হবে।
- (খ) জাতীয় শিক্ষানীতি ২০১০ এর চিকিৎসা সেবা ও স্বাস্থ্য কৌশল-১ অনুযায়ী মেডিকেল ও ডেন্টাল ভর্তি পরীক্ষায় এইচএসসি বা সমমানের নিয়মিত ও অব্যবহিত পূর্বের (Immediate past) শিক্ষা বর্ষে উত্তীর্ণরাই শুধুমাত্র আবেদনের যোগ্য হবেন।
- (গ) এসএসসি বা সমমান এবং এইচএসসি বা সমমান পর্যায়ে নিয়মিত ছাত্র/ছাত্রী হতে হবে।
- (ঘ) সকল দেশী বিদেশী শিক্ষা কার্যক্রমে এসএসসি ও এইচএসসি বা সমমান দুটি পরীক্ষায় মোট জিপিএ কমপক্ষে ৯.০০ হতে হবে।
- (ঙ) সকল উপজাতীয় প্রার্থীদের ক্ষেত্রে এসএসসি ও এইচএসসি পরীক্ষায় মোট জিপিএ কমপক্ষে ৮.০০ হতে হবে। তবে এককভাবে কোন পরীক্ষায় জিপিএ ৩.৫ এর কম হলে আবেদনের যোগ্য হবেন না।
- (চ) একশত নম্বরের ১০০ টি এম সি কিউ প্রশ্নের এক ঘন্টার লিখিত পরীক্ষা অনুষ্ঠিত হবে।
- (১) লিখিত পরীক্ষায় প্রতিটি ভুল উত্তর প্রদানের জন্য ০.২৫ নম্বর কর্তন করা হবে।
- (২) লিখিত পরীক্ষায় ৪০ নম্বরের কম নম্বর প্রাপ্তরা অকৃতকার্য বলে গণ্য হবেন। শুধুমাত্র কৃতকার্য পরীক্ষার্থীদের মেধাতালিকায় অন্তর্ভুক্ত করা হবে।
- (৩) লিখিত পরীক্ষায় বিষয় ভিত্তিক নম্বর: পদার্থবিদ্যা-১০, রসায়নবিদ্যা-২৫, জীববিদ্যা-৩০, ইংরেজী-১৫, সাধারণ জ্ঞান বাংলাদেশের ইতিহাস ও সংস্কৃতি-৬, ঐতিহাসিক-৪।

(অপর পৃষ্ঠায় দৃষ্টব্য)

- (ছ) এসএসসি ও এইচএসসি বা সমমানের পরীক্ষায় প্রাপ্ত জিপিএ মোট ২০০ নম্বর হিসেবে নির্ধারণ করে নিম্নলিখিতভাবে মূল্যায়ন করা হবে:
- ২০১৭-২০১৮ শিক্ষাবর্ষে এমবিবিএস/বিডিএস ভর্তি পরীক্ষায় পূর্ববর্তী বছরের এইচএসসি পরীক্ষায় উত্তীর্ণ পরীক্ষার্থীদের সর্বমোট (Aggregated) নম্বর (এস এস সি / সমমান পরীক্ষায় প্রাপ্ত জি পি এ এর ১৫ গুন+ এইচ এস সি / সমমান পরীক্ষায় প্রাপ্ত জি পি এ এর ২৫ গুন + ভর্তি পরীক্ষায় প্রাপ্ত নম্বর) থেকে ০৫ (পাঁচ) নম্বর কর্তন করে, এবং পূর্ববর্তী বছরের সরকারি মেডিকেল/ডেন্টাল কলেজে ভর্তিকৃত ছাত্র-ছাত্রীদের ক্ষেত্রে মোট প্রাপ্ত নম্বর থেকে ৭.৫ (সাত দশমিক পাঁচ) নম্বর কর্তন করে মেধা তালিকা তৈরী করা হবে।
- (জ) বিদেশী ছাত্র-ছাত্রীদের ভর্তির জন্য সরকারি মেডিকেল কলেজের জন্য জিপিএ ৮.০০ (আট) এবং বেসরকারি মেডিকেল কলেজের জন্য জিপিএ ৭.০০ (সাত) নির্ধারণ করে মেধা তালিকা তৈরী করা হবে। বিদেশী শিক্ষা কার্যক্রমে এসএসসি, এইচএসসি এর সমমান পরীক্ষায় উত্তীর্ণ প্রার্থীরা পরিচালক, চিকিৎসা শিক্ষা ও স্বাস্থ্য জনশক্তি উন্নয়ন, স্বাস্থ্য অধিদপ্তর, মহাখালী বরাবর ২,০০০/- (দুই হাজার) ব্যাংক ডাফট/পে-অর্ডারসহ আবেদনপূর্বক তাদের মার্কস সার্টিফিকেটসমূহ বাংলাদেশে প্রচলিত জিপিএ এর সাথে স্বাস্থ্য অধিদপ্তর কর্তৃক সমতাকরণ করে সমতা সনদ (Equivalence Certificate) সংগ্রহ করবে।
- (ঝ) বেসরকারি মেডিকেল কলেজে ভর্তির জন্য বিদেশী ছাত্র-ছাত্রীদের কোটা পূর্বের ন্যায় ৫০% বহাল থাকবে।
- (ঞ) বি ডি এস এর কোর্স আন্তর্জাতিক ক্ষেত্রে ০৫ (পাঁচ) বছর এবং বাংলাদেশেও এমবিবিএস কোর্স ০৫ (পাঁচ) বছর, কাজেই সমতাকরণের জন্য আগামী শিক্ষাবর্ষ থেকে বি ডি এস কোর্স ০৫ (পাঁচ) বছর মেয়াদী হবে।
- (ট) “ও” লেভেলের জন্য তিনটি বিষয় Biology, Chemistry ও Physics থাকতে হবে এবং সর্বোচ্চ নম্বর প্রাপ্ত পাঁচ বিষয় এবং অতিরিক্ত বিষয়ে জিপিএ ২.০০ পয়েন্ট এর অতিরিক্ত প্রাপ্ত নম্বর যোগ করে জি “এ” নির্ধারণ করা হবে তবে সর্বোচ্চ জিপিএ ৫.০০ এর বেশি হবে না। “এ” লেভেল এর জন্য তিনটি বিষয় Biology, Chemistry ও Physics থাকতে হবে কিছু জিপিএ নির্ধারণের জন্য সর্বোচ্চ নম্বর প্রাপ্ত যে কোন তিনটি বিষয় বিবেচনায় আনা হবে। অতিরিক্ত বিষয়ে জিপিএ ২.০০ পয়েন্ট এর অতিরিক্ত প্রাপ্ত নম্বর যোগ করে জিপিএ নির্ধারণ করা হবে তবে জিপিএ ৫.০০ এর বেশি হবে না। উক্ত সনদপত্র সরকারি/বেসরকারি মেডিকেল/ডেন্টাল কলেজে ভর্তির ক্ষেত্রে প্রযোজ্য হবে।
- (ঠ) লিখিত ভর্তি পরীক্ষায় প্রাপ্ত নম্বর এবং অনুচ্ছেদ ‘ছ’ এ বর্ণিত পদ্ধতিতে এসএসসি/ সমমান ও এইচএসসি/ সমমান পরীক্ষায় প্রাপ্ত নম্বরের যোগফলের ভিত্তিতে মেধা তালিকা প্রণয়ন করা হবে।
- (ড) দুর্গম ও পশ্চাদপদ এলাকা সমূহের জন্য সরকারের নির্ধারিত কোটা প্রথা অনুযায়ী স্বাস্থ্য ও পরিবার কল্যাণ মন্ত্রণালয় কোটা নির্ধারণ করবে।
- (ঢ) জেলা কোটা নির্ধারণের বিষয়টি সরকারি বিধিমালা অনুযায়ী সম্পন্ন করা হবে।

০২. সভায় উপস্থিত সদস্যবৃন্দ আলোচনা শেষে বিএমএন্ডডিসি কর্তৃক উপস্থাপিত শর্তাদি গ্রহণযোগ্য বলে মতামত ব্যক্ত করেন। মাননীয় মন্ত্রী, স্বাস্থ্য ও পরিবার কল্যাণ মন্ত্রণালয় বিএমএন্ডডিসি কর্তৃক উপস্থাপিত শর্তসমূহ গ্রহণ করা যুক্তি সঙ্গত মর্মে মতামত দেন।

০৩. পরিচালক (চিকিৎসা শিক্ষা) ২০১৬-১৭ শিক্ষাবর্ষে এমবিবিএস/বিডিএস কোর্সে ভর্তি পরীক্ষার তারিখ নির্ধারণের জন্য সভায় প্রস্তাব উত্থাপন করেন। এ পর্যায়ে সভায় বিভিন্ন সদস্য আলোচনা করেন। কলেজ পরিদর্শক ঢাকা বিশ্ববিদ্যালয় সভাকে জানান যে, এমবিবিএস ও বিডিএস কোর্সে ভর্তি পরীক্ষা আলাদা আলাদাভাবে সম্পন্ন করার জন্য ঢাকা বিশ্ববিদ্যালয় একটি প্রস্তাব করছে। সে প্রস্তাবটি সক্রিয়ভাবে বিবেচনা করার জন্য অনুরোধ করা হচ্ছে। সভায় উপস্থিত সভ্যগণের বিস্তারিত আলোচনা শেষে মাননীয় মন্ত্রী, স্বাস্থ্য ও পরিবার কল্যাণ মন্ত্রণালয় পৃথক পৃথকভাবে এমবিবিএস ও বিডিএস কোর্সে ভর্তি পরীক্ষা সম্পন্ন করার জন্য মতামত ব্যক্ত করেন। বিস্তারিত আলোচনা অনুযায়ী এমবিবিএস কোর্সে ভর্তি পরীক্ষা ০৬/১০/২০১৭ তারিখে এবং বিডিএস কোর্সে ভর্তি পরীক্ষা ১০/১১/২০১৭ তারিখে অনুষ্ঠিত হবে মর্মে মতামত ব্যক্ত করা হয়।

০৪. সভায় বিস্তারিত আলোচনাতে নিম্নরূপ সুপারিশসমূহ গৃহীত হয়:

(ক) বাংলাদেশ মেডিকেল এন্ড ডেন্টাল কাউন্সিল কর্তৃক প্রণীত এমবিবিএস ও বিডিএস কোর্সে ভর্তি পরীক্ষার শর্তাদি গ্রহণ করার সিদ্ধান্ত গৃহীত হয়।

(খ) এমবিবিএস ও বিডিএস কোর্সে ভর্তি পরীক্ষার কার্যক্রম পৃথক পৃথকভাবে অনুষ্ঠানের সিদ্ধান্ত গৃহীত হয়।

(গ) আগামী ০৬/১০/২০১৭ তারিখে ২০১৭-১৮ শিক্ষাবর্ষে এমবিবিএস কোর্সে ১ম বর্ষের ভর্তি পরীক্ষা অনুষ্ঠিত হবে।

(ঘ) আগামী ১০/১১/২০১৭ তারিখে ২০১৭-১৮ শিক্ষাবর্ষে বিডিএস কোর্সে ১ম বর্ষের ভর্তি পরীক্ষা অনুষ্ঠিত হবে।

(ঙ) আগামী ০১/০৯/২০১৭ তারিখ থেকে দেশের সকল মেডিকেল/ডেন্টাল কোচিং সেন্টার বন্ধ থাকবে।

(চ) মুক্তিযোদ্ধা কোটায় সংরক্ষিত ২% আসন মোট আসনের মধ্যে সীমিত থাকবে এবং মুক্তিযোদ্ধাদের সন্তানদের সন্তানরা আবেদন করতে পারবে।

(ছ) ভর্তি পরীক্ষার যাবতীয় কার্যক্রম একটি কমিটির মাধ্যমে সম্পাদন করা হবে; এ বিষয়ে বিশেষজ্ঞগণের নিকট থেকে বিষয়ভিত্তিক খসড়া প্রশ্নপত্র সংগ্রহক্রমে অভিজ্ঞ মডারেটরের মাধ্যমে বিষয়ভিত্তিক প্রশ্ন মডারেট করা; প্রশ্নপত্রের গোপনীয়তা রক্ষায় যথাযথ ব্যবস্থা গ্রহণ করা এবং ভর্তি প্রক্রিয়ার শুরু থেকে শেষ পর্যন্ত যাবতীয় কার্যক্রমে সংশ্লিষ্ট ব্যক্তিগণের দায়-দায়িত্ব সুনির্দিষ্ট করে ভর্তি প্রক্রিয়ার সকল স্তরে স্বাস্থ্য ও পরিবার কল্যাণ মন্ত্রণালয়ের অনুমোদন গ্রহণের সিদ্ধান্ত গৃহীত হয়।

(জ) সরকারি/ বেসরকারি মেডিকেল কলেজ/ ডেন্টাল কলেজ/ ইউনিট/ ইনস্টিটিউটে ভর্তিছুক শিক্ষার্থীরা অনলাইনে আবেদন করতে পারবে। অনলাইনে আবেদনের ওয়েব ঠিকানা- <https://dghs.teletalk.com.bd>

(ঝ) বাংলাদেশ মেডিকেল এন্ড ডেন্টাল কাউন্সিল কর্তৃক আরোপিত শর্ত এবং এ কার্যবিবরণীতে উল্লিখিত কোন শর্ত ছাড়া মেডিকেল/ ডেন্টাল কলেজে এমবিবিএস/ বিডিএস কোর্সে ছাত্র-ছাত্রী ভর্তি নীতিমালা-২০১১ ও এর সংশোধনীসহ অপরাপর শর্তাদি বহাল রাখার সিদ্ধান্ত গৃহীত হয়।

সভায় আর কোন আলোচনা না থাকায় উপস্থিত সকলকে ধন্যবাদ জ্ঞাপন করে সভাপতি সভার সমাপ্তি ঘোষণা করেন।

(মোহাম্মদ নাসিম)  
সভাপতি  
স্বাস্থ্য ও পরিবার কল্যাণ মন্ত্রণালয়।

স্মারক নং: ৫৯.০০.০০০০.১৪০.১৯.১৩৬.২০১৭(অংশ-১)-৪২৭

তারিখ: ২৭/০৮/২০১৭ খ্রি:

অনুলিপি সদয় অবগতি ও প্রয়োজনীয় কার্যার্থে প্রেরণ করা হলো:

০১. ভাইস চ্যান্সেলর, বিএসএমএমইউ, ঢাকা।
০২. ভাইস চ্যান্সেলর, চট্টগ্রাম মেডিকেল বিশ্ববিদ্যালয়, চট্টগ্রাম।
০৩. ভাইস চ্যান্সেলর, রাজশাহী মেডিকেল বিশ্ববিদ্যালয়, রাজশাহী।
০৪. সচিব, পররাষ্ট্র মন্ত্রণালয়, সেগুনবাগিচা, ঢাকা (একজন উপযুক্ত প্রতিনিধি প্রেরণের অনুরোধসহ)।
০৫. অতিরিক্ত সচিব (প্রশাসন), স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
০৬. অতিরিক্ত সচিব (পরিবার কল্যাণ, জনসংখ্যা ও আইন), স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
০৭. অতিরিক্ত সচিব (চিকিৎসা শিক্ষা), স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
০৮. মহা-পরিচালক, স্বাস্থ্য অধিদপ্তর, মহাখালী, ঢাকা।
০৯. অধ্যাপক ডাঃ মাহমুদ হাসান, সাবেক সভাপতি, বি এম এ, বি এম এ ভবন, তোপখানা রোড, ঢাকা।
১০. অধ্যাপক ডাঃ সানোয়ার হোসেন, সাবেক সভাপতি, বি সি পি এস, ৬৭, শহীদ তাজউদ্দিন আহমেদ স্মরণী, মহাখালী, ঢাকা।
১১. সভাপতি, বাংলাদেশ মেডিকেল এসোসিয়েশন (বিএমএ), তোপখানা, ঢাকা।
১২. যুগ্ম-সচিব (চিকিৎসা শিক্ষা), স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
১৩. মাননীয় মন্ত্রীর একান্ত সচিব, স্বাস্থ্য ও পরিবার কল্যাণ মন্ত্রণালয়।
১৪. মাননীয় প্রতিমন্ত্রীর একান্ত সচিব, স্বাস্থ্য ও পরিবার কল্যাণ মন্ত্রণালয়।
১৫. প্রো-ভাইস চ্যান্সেলর (প্রশাসন), বিএসএমএমইউ, ঢাকা।
১৬. সচিব মহোদয়ের একান্ত সচিব, স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, ঢাকা।
১৭. সৈয়দ আবুল মকসুদ, বিশিষ্ট কলামিস্ট, ধানমন্ডি, ঢাকা।
১৮. জনাব গোলাম সারোয়ার, সম্পাদক, দৈনিক সমকাল, ঢাকা।
১৯. জনাব ডক্টর জাফর ইকবাল, অধ্যাপক, শাহ-জালাল বিজ্ঞান ও প্রযুক্তি বিশ্ববিদ্যালয়, সিলেট।
২০. জনাব নাইমুল ইসলাম খান, সম্পাদক, দৈনিক আমাদের অর্থনীতি, ঢাকা।
২১. জনাব মঞ্জুরুল আহসান বুলবুল, সিইও, একুশে টেলিভিশন, কাওরানবাজার, ঢাকা।
২২. জনাব আব্দুল কাইয়ুম মুকুল, যুগ্ম-সম্পাদক, দৈনিক প্রথম আলো, কাওরানবাজার, ঢাকা।
২৩. অধ্যক্ষ, ঢাকা মেডিকেল কলেজ, ঢাকা।
২৪. সভাপতি, বিসিপিএস, মহাখালী, ঢাকা।
২৫. সভাপতি, বিএমএন্ডডিসি, ঢাকা।
২৬. মহা-সচিব, বিএমএ, তোপখানা রোড, ঢাকা।
২৭. পরিচালক (চিকিৎসা শিক্ষা ও স্বাস্থ্য জনশক্তি উন্নয়ন), স্বাস্থ্য অধিদপ্তর, মহাখালী, ঢাকা।
২৮. পরিচালক-৩, প্রধানমন্ত্রীর কার্যালয়, তেজগাঁও, ঢাকা।
২৯. ডীন, বেসিক মেডিকেল সাইন্স, বি এস এম এম ইউ, শাহবাগ, ঢাকা।
৩০. ডীন, চিকিৎসা অনুষদ, ঢাকা বিশ্ববিদ্যালয়, ঢাকা।
৩১. ডীন, চিকিৎসা অনুষদ, চট্টগ্রাম বিশ্ববিদ্যালয়, চট্টগ্রাম।
৩২. ডীন, চিকিৎসা অনুষদ, শাহজালাল বিজ্ঞান ও প্রযুক্তি বিশ্ববিদ্যালয়, সিলেট।
৩৩. ডীন, চিকিৎসা অনুষদ, রাজশাহী বিশ্ববিদ্যালয়, রাজশাহী।
৩৪. অধ্যক্ষ, ঢাকা ডেন্টাল কলেজ, ঢাকা।
৩৫. রেজিস্ট্রার, বিএমএন্ডডিসি, ঢাকা।
৩৬. কলেজ পরিদর্শক, শাবিপ্রবি, সিলেট, ঢাকা/চট্টগ্রাম/রাজশাহী বিশ্ববিদ্যালয়।
৩৭. সিনিয়র তথ্য অফিসার, স্বাস্থ্য ও পরিবার কল্যাণ মন্ত্রণালয়, ঢাকা।
৩৮. সভাপতি/সাধারণ সম্পাদক, বাংলাদেশ বেসরকারি মেডিকেল কলেজ এসোসিয়েশন, ৪৬/১, কাকরাইল, ঢাকা।
৩৯. সভাপতি/সাধারণ সম্পাদক, বাংলাদেশ বেসরকারি ডেন্টাল কলেজ এসোসিয়েশন, ঢাকা।
৪০. সিস্টেম এনালিস্ট, স্বাস্থ্য ও পরিবার কল্যাণ মন্ত্রণালয় (ওয়েব সাইটে প্রকাশের জন্য)।

অনুলিপি  
২৭/০৮/২০১৭  
ডীন মোঃ নূরুজ্জামান  
উপ-সচিব  
ফোনঃ-৯৬৬৬৬৬